

清華大學國學研究院
中華書局編輯部 編

梁任公先生年譜長編稿本

中華書局

清華大學國學研究院
中華書局編輯部

編

梁任公先生年譜長編稿本



第十四冊

中華書局

民國七年戊午（西曆一九一八）先生四十六歲

去臘以來先生治碑刻之學甚久且勤故是歲所
為金石跋書跋書籍跋獨多春夏間先生屏棄百事
專致力於通史之作數月間所成十餘萬言是時先
生嚴守早睡早起晝間著述之規律故三十年來起
居無節夜內工作之惡習全然改觀八九月以著述
過勤致患嘔血病甚久而通史之作又因以擱筆十
月和平統一運動起南北名流有和平促進會之組
織先生雖亦贊成其事然未參與其中十二月醞釀
一年之歐遊計畫成功先生於十二月二十八日由

梁任公先生年譜稿紙

滬乘日本郵船會社之橫濱丸放洋同行者有蔣方震劉崇傑丁文江張嘉森徐新六楊維新等六人是為先生此後致力於教育事業之起點：

張嘉森書商發起松社之目的及功用：

別又數日良念晨間唐規嚴來談松社發起事以
讀書養性敦品礪行為宗旨規嚴之意欲以此社為
講學之業而以羅羅山曾文正之業責先生也聞百
里前在津曾亦為先生道及此舉今日提倡風氣舍
吾黨外更有何人蓋政治固不可為社會事業亦謂
為不可為可也苟疑吾自身亦為不可為則吾身已
失其存在復何他事可言笛卡兒所謂我思故我存
惟有我思故有是非哲學之第一義諦如是道德之
第一義諦亦復如是規嚴之意既為方今救世良藥
而又吾黨對於社會對於自身處於無可逃之地位

梁任公先生年譜稿紙

故力贊其說而敢以就正於先生也望有以教之至此社辦法一既為修養團體無取發表於外二人數極少僅以平日能相信者為限合軍人政客於一堂三一星期請先生來京一二次就人心風俗處講演一二時四標修數事為身心之修養五此外各任就智識科學問研究如有所得可與公眾相交換此皆森感想所及拉雜書此其詳尚待商訂也乞示覆俾與百里規嚴等商之

張嘉森
一月十二日

張嘉璈書言開辦布廠及銀行存款事：

手諭已悉布廠事溯初來京確亦為璈言之大致此時布置尚未就緒發起人較為忠厚故外間稍有煩言一俟開工本稍須易覓妥當經理人祇須經理得當當可無慮先生擬改入上海銀行股本亦極好以光甫銀行不當璈切已之事業能同道中多入股本俾稍事擴充前途極有希望不知先生能略多入否數目及如何交此統財賜示以便告知光甫布廠俟開工確有成效再行奉求

民國七年十一月十七日
張嘉璈 啟

梁任公先生年譜稿紙

張嘉森書言出游售房及松社事：

二十七晚赴津時叔魯有語屬轉告先生云先生致叔魯函中有游思勃勃之語必請先生來京一行再作出游之計所謂出游者指歐美之游耶赤手空拳如何行得去青島屋高麗人願以二萬出售以十分之三報酬小川此事交涉已辦至此等地步所待決者為先生要不要耳森以有人要買為前提商之兩方兩方條件既已商定先生若再猶豫惟有早日回絕如何祈速覆為幸松社事為一種精神結合非日日以精神相磨礪萬無益處房屋乃其小者根本方針在先生以何種精神提倡此團體並如何為之

不倦而已當與規嚴百里商之再行函告匆匆以夜
深不再縷縷敬覆

己巳年一月三十日
張嘉森 啟

梁任公先生年譜稿紙

塞定季常書：

大示奉志麵粉事因索價過昂停止進行製碱公

司非朝夕可成節兄卹款鄙意仍以存入上海儲蓄

即陸光甫所辨者

銀行
息定
一期
分一
年
如
須入
股時
提用
亦易
公如
贊同
乞

函告叔通辦理

成田七郎 二月三日、暮きき、

梁任公先生年譜稿紙

致蹇季常書慰疾並言起居復常：

聞公病信耶想不害耶若誠病者似返津靜攝佳
耳頃得王電輜第二次書拳拳屬問訊公彼患病返
黔兩月矣殆不欲避功名此子光明可喜也吾晨七
時前興夜十一時前寢如此已半月嚴厲謝客白晝
竟能著書公聞之當大欣慰前上書未得復恐公病
非輕更作此書若無恙希復數言

戊申七月二十八日
梁任公先生年譜稿紙

致蹇季常書言及出游事：

得電謂將以陰歷二十五歸日日掃徑以待大郎
來自金陵亦守候二日今尚未至想所報者為陽歷
矣吾能否成行尚未定因旅費尚無著果終不得當
亦將赴青島小淹耳聞所獲已累萬信否乞必示一
語昨與客譚及尊夫人病情客曰商人重利輕別離
為之哄堂君聞之亦解顏耶新啟一瓿美乃無度君
遲歸者盡矣

戊申三月十九日
公季常七兄書

陳叔通書言及為通史及作書事：

十日書志南海款已交去菊翁曾函達想荷答入
通史但日以為程似不可求速製圖自較作表更艱
敬意宜挽人為助蚤寢誠難得循是以往所謂清明
在躬志氣如神於學問事業均極有關係天苟不亡
中國吾輩未必竟一無施展之日佛蘇亦至政客紛
集於滬皆以一歎置之尚不為擾公作書能懸臂必
有進敬尚勸每日宜懸臂作大篆且暫不為酬應之
作顫久必可定不足慮也荷款事如何贊侯奄化可
痛溯初日内即到滬

三月十二日 陳叔通

梁任公先生年譜稿紙

某君致先生書言及先生著書情形：

聞開戶著書日五千言何日出版先覩為快呂衡

州云文章拋盡愛功名公適與相反可憐無益費精

神矣何已足不入馬玉堂前有卅萬北歸之約不果行

鄙意百萬猶勝於用兵粵月不止何至今無續議者

昨函勸士衡取月峯自効曾惜人微言輕以去月峯

留衡為南北交換條件亦好公以為何如粵力已竭

速來唯簞食相迎耳此句係手書口口口

梁任公先生年譜稿紙

同書言粵中情形：

肇軍子彈缺乏幕府無人僅一劉少弼案牘之才
膽怯不能冒險部下以其專利自封殖亦無出死力
者北軍不速來則子誠休矣子雲亦被逐矣

日七

梁任公先生年譜稿紙

陳叔通書言及先生著作太猛：

久未接書靜生來詢悉著作太猛未免稍瘦甚以
為念前承允假閣帖迄不得便頃夏劔丞南還託其
趨赴尊齋可否交付以便携滬照印仍當珍重代藏
也

民國七年四月十九日 陳叔通

梁任公先生年譜稿紙

復陳叔通書言著作情形並商出版事：

二稿須覆讀者頗多

所著已成十二萬言自珍敝帚每日不知其手足

之舞蹈也體例實無餘暇作詳書告公第自信前無

古人耳罕平曾以半日讀四萬言之稿兩編謂不忍

約端午前可成

釋吾計凡讀者或皆如是也頃頗思先秦殺青即先

付印傳志別行此惟有一年表載一記志略三萬言也故

願與公一商印事鄙意極厭洋裝惟有地圖有金石

拓片華裝能否善此若能之甚望商務為特製一仿

宋鉛字印之有如西泠社所加精為商務計若欲覆古籍此

固不可少也如何希詳密見覆劄丞南下當帶閣帖

欲作跋久不敢下筆當續寄耳季常日内返津並聞

民國七年五月梁任公先生年譜稿紙

梁任公先生年譜稿紙